

集部

我定四庫全書 **


餘師録卷二

詳校官石中允臣薩 敏 主事街日徐以坤獲勘

勝蘇監生臣下爾城 勝録監生 臣於曾順 大豆四草二丁 欽定四庫全書 提要 餘 師 北齊下迄乎宋雖習見者較多而當時遗籍 傳其爵里皆未詳此書前有自序稱紹熙四 銀 年則光宗時人也其書輯前代論文之語自 今不盡傳者亦往往而在宋人論文多區分 臣 等證案餘師録宋王正德撰正德宋史無 餘的飯 集部九 詩文評類

をがしてと言 志不著録亦久無傳本惟載于永樂大典中 首尾雖完具而不分卷數今約客篇頁定為 此以代口述故時代先後畧不詮次此書宋 門户務為溢美溢惡之辭是録采集衆說不 引時有小悮盖傳寫之訛序稱疲于酧答録 參論斷而去取之間頗為不茍尤足尚也徵 云乾隆四十六年三月恭校上 四卷各考其譌缺注于句下序次则仍其舊

KA DIOLATED					
я́т. Бр 31.				絶	總算
				總校官臣陸	鄉深官臣紀的臣陸錫熊臣孤士教
=	·	·		医 貲 墀	助作孫士教



歸獨坐墙根曝睛景翻故書以娱日或以其虚名来問 為文正法余傷學荒落口塞不得對概念前革論文章 憶平時所誦令兒輩抄録以遗或者使歸而求之有餘 利病甚具散在方冊時舉一二以告之久軟忘去問者 文寫有志馬早從當世大君子遊走天下幾半窮因来 欠足四車全 經属老嫡疲於縣應而僕僕尋檢又不可以應猝因記 余不肖無所用於世承先人緒業懼弗克負荷故於斯 餘師錄原序 餘師録

余之志也紹熙四年冬至日海陵王正徳引 師因題曰餘師録若夫歲月之後先字畫之謬誤彼此 之是非名稱之不倫皆不復次第推擇觀者以意求之 金グレノノニ 歌定四軍全書 ! 也正志完新以言也王氏之學如脫堅耳案其形模 陳后山送邢居實序云始吾得生年十五六識度氣志 如成人有其質也如木之始生玉之始琢顧其所成 如爾生 不勉乎夫學以明理文以述志思以通 餘師録 人尊其聰明廣其見聞所以學 王正徳 撰

而張童子後無傅馬吾年如那生時見子曾子於江漢 童子以數歲通二經則奇矣使四五十而不加又何奇 童子之所學不足尚之宜息其已學而勤其未學可也 無聞馬子韓子謂張童子曰長與少異有成人之禮馬 之間獻其說餘十萬言髙自譽道子曾子不以為狂而 居位行則先人其志盈矣無以復加矣而闕黨童子後 乎昔者子孔子謂闕黨童子非求益乃欲速者也坐則 而出之不待修飾而成器矣求其為元璧桑鼎其可得

以明善也學外也思內也學以佐行思以佐學古之制 答江端禮書云學始于身而成于性欲善其身而不明 とこりことにう 行之以信近則致其用遠則致其傳文之質也大以為 也若其自得則在子矣言以述志文以成言約之以義 於善所謂徒善者也徒善者非善之正也是故學者所 三君子之言可法 小小以為大簡而不約盈而不餘文之用也正心完氣 餘币凍

報書曰持之以厚吾之不失身子曾子之賜也吾以為

答晁深之書士之好為師舊矣子問而不以告豈其有 答秦觀書云僕於詩初無師法然少好之而老不厭數 豫章之詩也豫章之學博矣而得法於杜少陵其學少 以干計及一見黄豫章盡焚其豪而學也豫章以為譬 廣之以學斯至矣 所不足於師而莫知所以告耶士能致誠殫敬刳其心 之弈馬弟子髙師一看僅能及之争先則後矣僕之詩 而不為者也故其詩近之而其進未已也

廢一存惟欲之知夫才如水馬室而撓之不濁牛馬 污 穢日滋而科斗生馬可不畏乎夫少而好色僕與子同 色佻於外得之則感失之則悲氣胃其心性亂於習百 士何以教子子何待於士耶士方盛時氣血動於內容 而今悔之以僕之悔故不願子為之也 至者也外以導內於是有以自得之則至矣自是而觀 以得之而心不至馬則又不足以受之也雖然教自外 以求於師未有不告者也不誠不敬則不足以得之有 餘師録

处定四車全書

為詩寫其骨中之妙耳學杜不成不失為工無韓之才 古之制也等此係係送那居實序 矩故可學退之於詩本無解處以才高而好耳淵明 文曾公之書皆集大成者也學詩當以子美為師有規 詩杜以詩為文故不工爾蘇子瞻曰子美之詩退之之 詩話云杜之詩法韓之文法也詩文各有體韓以文為 不至謂之偽愈在於善而義不至謂之徒善徒善者非 章善序云名在於善而實不至謂之盗身在於善而意 |災定四事全書 無取焉 退之作記記其事爾今之記乃論也少游謂醉翁亭記 直以奇而杜子美之詩奇常工易新陳莫不好也 與陶之妙而學其詩終為樂天耳 七國之文壯偉其失騎漢之文華瞻其失緩東漢而下 亦用賦體 詩欲其好則不能好矣王介甫以工蘇子瞻以新黃魯 余以古文為三等周為上七國次之漢為下周之文雅 餘師録

韓 何異 澥 手盖其少作也 孫羊老喜論文謂退之平淮西碑叙如書銘如詩秦 莊子荀卿皆文士而有學者其說創成相賦篇與屈騷 游謂退之元和聖德詩於韓文為下與淮西碑如出兩 受職曾子固賀放表曰鉤陳太微星緯成若崑崙湯 退之上尊號表曰析木天街星辰清潤北截醫問 海不驚世莫能輕重之也 卷一 鬼

欽定四庫全書 魏丈帝曰文以意為主以氣為輔以詞為衛子桓不足 魯讀之曰此傳奇體耳傳奇唐裴劉所著小說也 范文正公為岳陽樓記用對語說時景世以為奇尹 以及此其有所傳手 善叙事不用故事陳言而文益高次退之云 國 力豪贍體亦變而不脱唐末五代之氣又喜用古語以 巧對為工乃進士賦體耳歐陽公始以文體為對屬 初士大夫例能四六然用偶語與故事爾楊文公筆 ·除師錄 師

皇甫湜諭業云照公之文如梗木楠枝締造大厦上 語病也 書乃縱酒以助詩恐致遠則泥想生自追之琢之離此 魯直與方蒙書云近世少年多不肯治經術及精讀史 下守孕育氣象可變陰陽而閱寒暑坐天子而朝羣后 鮑昭詩華而不弱陶潜詩切於事情但不文耳 章子厚謂屈氏楚 詞如騷乃效頌其次效雅最後效風 皇甫湜

少定四軍全書 人 雅徳者避之楊崖州之文如長橋新建鐵騎夜渡雄 峯絕壁穿倚霄漢長松怪石傾倒溪壑然而略無和 為 鳯 野 許公之文如應鐘我放笙簧鎮磬崇牙樹羽者以宫縣 可以奉神明享宗廟李北海之文如赤羽元甲延亘平 外雖丹青可掬內亦肌體不充獨孤尚書之文如危 羽儀咨以道義李員外之文則如金舉王雄雕能絲 如高冠華籍曳裾鳴玉立於廊廟非法不言可以 如雲如風有龜有虎関然鼓之吁可畏也買常侍之 餘師録

絕景 材力借鮮暫然島速故友沈諮議之丈則如集擊隱厲 襄陽之丈如燕市夜鴻華亭晓鶴來暖亦足驚聽然而 威属動心駭魄然而鼓作多容君子所戒權文公之文 滅沒空碧崇蘭繁榮曜光揚凝雖迅舉秀雅而能沛 有新規勝縣令人竦觀韓吏部之文如長江秋注干 如朱門大第氣勢宏故廊無原既户牖悉周然而 道)衝艇激浪汙流不滞然而施諸灌 脱或寡於用李 不 能

九己司事八二 姬 作韓文公銘文云先生之作無員無方至是歸工扶經 蝨 適精能之至出神入天嗚呼極矣後人無以加之矣自 極站古涵今無有端涯渾渾灝灝不可窺校及其酣放 之心執聖之權尚友作者國邪脈異以扶孔氏存皇之 凌紙怪發鯨鏗春麗震燿天下然而栗密窈眇章安句 功不十倍不可以果志力不兼兩不可以角敵號猿貫 徹礼飲羽必非 氏以來一人而已矣 **%** 歲之次拾仰馬出魚理心順氣必 餘師餅

為顏之道求諸人不若求諸已馳其華不若馳其實彼 則超超於鄉士之門我則婆娑於聖賢之城彼則中車 非容易之搏拊淺闢庸種無嘉苗類約疎織無良吊夫 之不入務出人之名安得不厲出人之器戰橫行之陣 於家鮪可薦也不應網罟之不逢橘可貢也不慮包匭 而後索以其勞於彼曷若勤於此以其背於路曷若齎 於名利之場我則冠履於文史之囿道寢而後進業勤 利其獲不若優其為獲之方若欲顯其能不若優其

金グロノ

蘇明允上歐公書云孟子之文語約而意盡不為晚刻 載述者遵良直之首觸類而長不失其要此大略也 不可以知愛體無常執言無常宗物無常用景無常取 安得不振横行之略書不干軸不可以語化文不百代 在覃其理覈其微賦物而窮其致詠歌者極性情之本 てピコーキハニラ 流轉魚電蛟龍萬怪惶感而抑遏蔽掩不使自露而人 斬絕之言而其鋒不可犯韓子之文如長江大河渾瀬 蘇明允 餘師録

皆斷然自成一家之丈也惟李朝之丈其味點然而長 者盖執事之文非孟子韓子之文而歐陽子之文也 望見其淵然之光蒼然之色亦自畏避不敢與視執事 措意切近的當有執事之實而執事之才又自有過 其光油然而幽俯仰揖遜有執事之態陸贄之文遣言 與孫叔静書云所示文字已細觀必欲求所未至如中 之文紆餘委備往復百折而條達疎暢無所間斷氣盡 極急言竭論而容與問易無艱難勞苦之態此三者

金ダレアノニョ

火三四軍全書 召命入翰林為學士真宗特龍待之每進見勞問及所 類要序云晏元獻公出東南起童子入私閱讀書遂膺 砰制詔册命書奏議論之文傳天下尤長於詩天下皆 其在朝廷五十餘年常以文學謀議為任所為賦頌銘 子即皇帝位是為仁宗公遂筦國樞要任政事位宰相 以任屬之者產臣莫能及皇太子就學公以選入侍太 不必愈事應副誠未之思爾 正論引舜為正此時文之病儿作論但欲意立而理明 .餘

能稱其位公於是時為學者宗天下慕其聲名人皆見 非 吟誦之當真宗之世天下無事方輯福應推功德修封 手抄題知六藝太史百家之言縣人墨客之文章至於 地志族譜佛老方伎之衆説旁及九州之外蠻夷荒忽 公所為類要上中下快總七十四篇凡若干門皆公所 公應於外者之不窮而不知公之得於內者何也及得 工儒學妙於語言能討論古今潤色太平之業者不 及后土山川老子諸祠以報禮上下左右前後之臣

傳也 曾子固作蘇明允哀詞云為文少或百字多或千言其 文儒道德之任其能不假且病乎此公之書所以為 詭變奇跡之序録皆披尋紬繹而於三才萬物變化情 於內者在此也公之所以光顯於世者有以哉觀公之 偽是非興壞之理顯隱細鉅之委曲莫不究盡公之得 所自致者如此則知士不素學而處從官大臣之列備 曾子固

火足四軍人三方 ~

餘師録

讀之後再以文卷見南豐南豐曰如是足也 **曾讀史記否后山對曰自幼年即讀之美南豐曰不然** 决江河而下也其輝光明白若引星辰而上也 要當且置它書熟讀史記三兩年爾后山如南豐之言 逸事云陳后山初携文卷見南豐先生先生覧之問曰 之微小能使之者煩能不亂肆能不流其雄肚侍偉若 指事析理引物託諭俊能盡之約遠能見之近大能使 作王容李文集叙云叙事莫如書其在堯典述命義和

博矣然其言不過數十其於舜典則曰在瑢璣玉衡以 宅土測日晷候星氣桜民物緩急兼蠻夷鳥獸其財成 くっしつうこんかす 其言微故學者所不得不盡心能盡心然後能自得之 齊七政盖堯之時觀天以歷象至舜又察之璣衡聖人 之 此 法至後世而益備也曰七者則日月五星曰政者則 所以為經而歷千餘年盖能得之者少也易詩禮春 相備三才萬物之理以治百官投萬民與眾功可謂 和之職無不在馬其體至大盖一言而盡可謂微矣 餘師錄

秋論語皆然其曰測之而益深窮之而益遠信也世既 足以幾乎此矣其次能叙事使可行於遠者若子夏左 巳楊子之稱孟子曰知言之要知德之與若楊子則亦 衰能言者益少承孔子者孟子而已承孟子者揚子而 與王介甫書云歐公更欲足下少開廓其文勿用造語及 模擬前人韓孟之文雖髙不必似之也取其自然耳 又作王子直文集序云至治之極教化既成道德同 明司馬遷韓愈亦可謂板出之材其言庶乎有益者也

金少世

巷

にているのでという 學者尚紫餘澤雖其丈數萬而其所發明更相表裏如 王之澤熄學者人人與見而諸子各自為家豈其固 其相去千餘歲其作者非一人至於其間當更衰亂然 當故無二也是以詩書之文自唐虞以來至秦魯之際 風俗一 反哉不當於理故不能一也由漢以來益遠於治故學 漸摩陶治至於如此豈非盛哉自三代教養之法廢先 一人之說不知時世之遠作者之衆也嗚呼上下之間 一言理者雖異人殊世未當不同其指何則理 除师録

金万世月人三百 登不繁於治亂哉 者甚衆然是非取舍不當於聖人之意者亦已多矣故 者雖有壞奇拔出之材而其文能馳騁上下偉麗可喜 卷属余序平甫自少已傑然以材高見於世為文思若 作王平甫文集序云王平甫既及其家集其遗文為百 言能當於理者亦可謂難矣由是觀之則文章之得失 其說未嘗一而聖人之道未嘗明也士之生於是時其 河語出為人一時争傳誦之其學問尤敏而資之以

欠の日ちしてする 盖自周衰至今千有餘歲斯文濱於泯滅能自拔起以 夷盡矣至唐久之而能言之士始幾於漢及其衰而遂 衰先王之遺文既喪漢興文學猶為近古及其衰而陵 得失之理為尤詳其文閱富典重其詩博而深矣自周 追於古者此三世而已各於其盛時士之能以特見於 不倦至晚愈篤博覽強記於書無所不通其明於是非 泯泯矣宋受命百有餘年天下文章復侔於唐漢之盛 世者率常不過三數人其世之不數其人之難得如此 餘師録

用有二體所謂論著者必貫穿質正分明是非格前 氏為歸善矣退之介孟而追孔者也凡文章於論著應 宋景文答許判官書云近文一 也足下既曰論著願精思之無令有遺恨則韓之徒矣 所遺以寤後覺非如應用一 平甫之文能特見於世者也 晁補之 宋景文 時竊取古人語句苟而成 編研覽數日足下以韓

離騷之高妙然猶歸之於正義過髙唐云謂李夫人長 甘泉羽獵之作賦之閣行於是乎極然皆不若大人反 詠做楚詞者也然已繁促嗚呼離騷自此益變矣謂王 特出而植好古自漢而上遺文皆一一規模之九愁九 風大言小言義無所宿至登徒子靡甚矣謂上林子虛 晁補之序變離騷謂宋玉親原弟子髙唐既靡不足於 7.賦皆非義理之正然辭渾麗不可棄謂曹植賦最多 篇建漢者賦甲弱自植始然植文於魏諸子中

火足四軍を与

餘師録

雲與兄機自吳入晉張華一見大賞之然華文亦謝漢 岳陸機開居懷舊衆作晉之文上不逮漢而下愧唐陸 言始於蘇李而成於昭蕪城之作不愧其詩故獨出宋 唐未足稱於後來也陸雲九愍之作盖做九辨而下思 祭詩有古風登樓之作去楚詞遠又不及漢然猶過潘 下文益破碎而鮑昭以詩鳴長於雜興渾厚近古盖五 而不貳差近楚詞非若機之數逝止爱生而悲死文賦 止翰墨事而已舍曰體弱則其義亦可取也謂晉宋而

大足四三人二· 世又以劉濞事級劉瑱有心哉於此者謂江淹用寡而 味亦可貴也顧況文不多約而可觀問大釣理勝招北 文麗又梁文益早弱然猶蒙虎之皮尚區區楚人少驟 容詞勝何房宮賦云亦使後人而復哀後人皆唐賦之 低昂宛轉頗有楚人之態元結振奇自成一家其辭義 詞也王維生韓柳前總數十年雖淺鮮未足與言義然 云謂唐李白詩文最號不襲前人而鳴皐一篇首尾楚 約譬古鐘磬不詣於里耳而可尋玩要曰聲言之異 餘師録

金りした 辭與吉如取諸室中以其涉博故能約而為十操夫孔 影守形然如盡者謹形而失貌嗚呼離縣自此散矣 子於三百篇皆弦歌之操亦弦歌之詞也愈操詞取與 **幽眇怨而不言最近離騷離騷本古詩之行者至漢** 序續楚詞云息夫躬絕命詞甚髙謂韓愈博極牟書奇 約 故去古不遠然則後之欲為離縣 極故離縣亡操與詩賦同出而異名盖行復於約者 可廢者也皮日休九風專效離縣其反招魂斬斬 者惟約故近之十

逕間也 忠烈故雖字畫亦剛勁類其為人皆未可求之筆墨蹊 間豪傑遊故其文章疏荡頗有奇氣然未審役意學為 **えこりゅ こここ** 補之見鮮于大夫佐於汶上大夫曰文辭欲平不欲怒 又云文者氣之形太史公周覽四海名山大川與熊趙 如詩曰維北有斗不可以挹酒漿而後人因云援北 如此之文也氣充乎其中而動乎其言也譬顏魯公性 取其四以近楚詞也 **余币**聚 大

其功烈哉及讀白心心析上下內業諸篇則未當不廢 子管子天下之奇文也所以著見於天下後世者豈徒 時出於管子也不獨此爾凡漢書之雅馴者率多本管 張嵲序管子云余讀管子然後知莊生晁錯董生之語 勺盖夸矣又張之則怒至有云上天揭取北斗柄則怒 且竭矣此大夫修辭之意也 分勺桂浆又云北斗勺美酒此皆其平者也用北斗以 張嵲

金ケレトノー

淺也 を記りいいい 蹈 劉政與孫秀才書云辭章之變隨世損益故前人 而藻宏 而事博子雲沉寂則志隱而味深平子淹通則應周 而歎益知其功業之所本然後知世之知管子者殊 出於情性買生峻發則大潔而體清子政簡易則 劉禹錫 劉跂 餘師録 + 八調 趣

完故必混 劉禹錫序柳子厚文云 哀哉若人之不淑吾嘗評其文雄深雅健 一而敬者數子厚之喪韓退之誌其墓且以書來形 代之文至戰國而病涉秦漢復起漢之文至列國 下飾萬物天下文士争執所長與時而奮聚然如繁 與復起夫 人而芒寒色正人望而敬者五行而已柳子厚 一而後大振初貞元中上方嚮文章昭回 (政厖而土裂三光五嶽之氣分大音不 八音與政通而文章與時萬 似司馬子長 而

言為然 崔恭不足多也皇甫是於文章少所推讓亦以退之之

又云天以正氣付偉人必飾之使光耀于世粹和絪縕

其位者文非空言成繁於計謨有客庸可不紀惟唐 神武定天下羣慝既鑿驟示以文韶英之音與鉦鼓 于中經銷發越形乎文文之細大視道之行止故

一ちの見んこう **畧奮本江陵以潤色聞無草昧汗馬之勞而任遇在功** 襲改起文章為大臣者魏文貞以諫諍顯高常侍以 餘師録

皇唐丈 孺李公宗閔以能直言極諫徵咸用對策甲於天下繼 宗朝曲江 上唐之貴文至矣我 行人 以賢良文學徵有道之士公孫宏條對第 元公稹京兆章公謹以才識兼茂徵隴西牛 與漢同 間 公執誼 公九 取丞 河東裴公均以賢良方正徵憲宗朝 齡以道作伊日徵德宗朝天水姜 風天后朝燕國公說以 相且便使漢有得人之聲伊宏發 詞 標文苑

飯牛者異矣 為有聲宰相古今相望落落然如騎星展與夫起版築 **嶢然而出其類其意緒文辭义牙** 者少竊取他書以合之者多凡孟子輩數家皆見剽竊 可取其肯意皆本老子然考其書蓋駁書也其渾而類 柳子厚謂列子大辭類莊子而尤質厚少偽作好文者 ここうこここ · 廢耶謂文子十二篇其傳曰老子弟子其辭時若有 柳子厚 餘師録 因至字本 字原 本作 互

言益奇而道益應使人租在失守而易於陷墜 者孫其書尤甚晚廼益出七術怪繆異甚不可考校 謂鬼谷子要為無取漢時劉向班固録書無鬼谷子 為發其意藏於家 谷子後出而險盤峭薄學者宜其不道而世之言縱 憫其為之也勞今刊去謬惡亂雜者取其似是者又 聚斂以成其書數然觀其往往有可立者又頗惜今改正相抵而不合不知人之增益之數或者 相抵而不合不知人之增益之數或者聚 横

草奏然未能完知為文之道自貶官來無事讀百家書 言也唯誰所引用者為美餘無可者 立言存乎其中即未而操其本可十七八未易忽也宗元 京師求騙冠子無所見至長沙始得其書讀之盡鄙淺 答楊京兆書謂世之言士者先文章大章士之未也然 讀買誼鵬賦店其詞而學者以為盡出騙冠子余往來 小學為文章中問縣得甲乙科第至尚書郎專百官

Saloni Liza

上下馳騁乃少得知文章利病去年吳武陵來美其齒

除师録

矣由此觀之古之人未始不薄於當世而榮於後世也 如 亦人爾夫何遠哉凡人可以言古不可以言今桓譚亦 云親見揚子雲容貌不能動人安肯傅其書誠使博 少才氣壯健可以與西漢之文章日與之言因為之出 數篇底幾鏗鍋陶冶時時得見古人情狀然彼古人 周哀如屈原與如孟軻北如李斯峻如馬遷富如相 國語云子病其文勝而言處好託能以反倫其道外 明 如賈誼專如楊雄猶為今之人則世之高者至少 卷一 久とり こんごう 與嚴厚與書云吾子文甚暢達恢恢乎其闢大路将疾 莊子國語文字太多反累正氣果能遺是則大善矣 與楊鞍之書云足下所為書言文章極正其辭典雅後 逆 來之駛於是道者吾子且為蒲梢駃騠何可當也但用 篇命之曰非國語 當後世之山怒軟乃點其不減究世之終凡為六十七 則 而學者以其文也咸嗜悦馬服膺呻吟者至此六經 渦其文必信其實是聖人之道翳也余勇不自制以 餘師録

文成 與衣秀才書云文以行為本在先誠其中其外者當先 馳也攻其車肥其馬長其策調其六轡中道而行大都 務速顧道尚成則勃馬爾久則尉馬爾源而流者歲早 舍是又奚師數謀於知道而考諸古師不乏矣 稍采取之穀梁子太史公甚峻潔可以出入餘 六經次論語盖軻書皆經言左氏國語莊 與日討也其歸在不出孔氏此古人賢士所懷 孔子 之道不於異書秀才志於道切勿怪 周屈原之 勿 書 雜

久定の事へう !! 而靡得其中者漢氏漢氏之東則衰矣當文帝時始 监也 西漢文類序云商周之前文簡而野魏晉以降則 杜温夫書云見生用助字不當律令唯以此奉答生 謂乎敬耶哉夫者疑辭也矣耳馬也者決辭也今生 **人者其術可見雖乳子在為秀才計不過如此** 酒蓄穀者不病凸年蓄珠玉者不虞殍死矣然則成 之宜考前聞人所使用與吾言類且異詳思之則 餘師録 1= 得

名臣 歌諡 賈生明儒術武帝尤好馬而公孫宏董仲舒司馬遷 庶人成通 馬於是宣於 話策達於奏議 諷於辭賦傅 如之徒作風雅益盛敷施天下自天子至公御大夫士 **拔其尤者充于簡册則二百三十年問列辟之達道** 由高祖記哀平四方之文章盖爛然矣班固修 評事集序云文有二道辭令褒貶本乎著作者也 諷諭本乎比與者也著作者流盖出於書之誤訓 之大範賢能之志業點黎之風美列馬

莫能極張曲江以比與之際窮著述而不克備其餘 備 炸 勝 商 易之衆繋春秋之筆削其要在於高壮廣厚詞正而 古 者梓潼陳拾遺其後熊文正以述作 謂宜藏於簡册者也比與者流盖出於虞夏之詠 文雅之盛世不能並有而生唐與以来稱是選而 獨得而军有無者馬威有能而專美命之曰藝成 誦者也兹二者考其古意垂離不合秉筆之士常 周之風雅其要在於麗則清越言暢竟美謂宜流 之餘攻比與 呖 偏 於

久定四年八時

餘師録

ニナミ

矣 摖 餘師録卷一 隅相與背馳於道者其去獨遠文之難無斯亦甚 欠ピコミニとう 對 年劉 飲 必 謹 退之答 登伯 聖 餘 曰 定 對 質 無 第舄 韓 四 師 難 庫 曰 父曰古 之 退之 錄卷二 師 劉嚴夫書云茶 易惟其是 作子 全書 其意 嚴元 聖賢 疑和 誤十 不 師 或 而已矣如是 徐師録 所 其解又 謂 為文宜 為書具存解皆不同宜 正昌 夫黎 問 或集 洏 何 作作 曰文宜易宜難必 2 王正 師 嚴劉 非 火 夫正 謹 字夫 徳 固 對 子樊 開 撰 其為此 回宜 耕汝 給霖 何 師 事註 師

於是乎今後進之為文能深探而力取之以古 而 為當時所怪亦必 覩 而 用 不能為文獨司馬 法者雖 用 其 幼 也然其所珍爱者必非常物夫君子之於文豈 具者則共觀而言之 其為彼也夫 深者其收 未必皆是要若有司馬. 名也遠若皆與世沉浮不 無後世之傳也足下家中 相 百 如太史公 物 朝夕所見者人皆不注視 夫文豈異於是乎漢朝人莫 劉向 相 如太史 揚 雄為之最然則 自树立雖 百 劉向 聖 物皆 也 野

食りに

Ŀ

送陳彤序云讀書以為學績言以為文非誇多而關靡 能者也顧常以此為說耳 スニョニ しょう 作孟郊墓銘云其詩剃目鉢心物迎縷解釣章棘句 也盖學所以為道文所以為理 雄之徒出必自於此不自於循常之徒也若聖人之道 凶 不 胃肾神施鬼該間見層出唯其大說於詞而與世 循者是也有文字來誰不為文然其存於今者必其 用文則已用則必尚其能者能者非他能自樹立不 餘师録 耳

書序傳記紀志說論今文證銘凡二百九十 頣 作樊紹述墓銘云愈從其家求書得書號魁紀公者 發率常屈其座人名聲大振 金りに 所 角為傑魚悍論議證據古今出入經史百子踔 過及器物門里雜銘二百二十賦十詩七百又十 人哈劫劫我獨有餘 卷曰樊子者又三十巻春秋習傳十五卷表牋状策 柳宗元墓銘云少年已自成人能取進士第嶄然見 一篇道路

吉 從漢迄今用 惟 自合也嗚呼紹述於斯衍其可謂至於斯極者矣銘 具海含地 人にコートにす 多矣哉古未當有也然而必出於已不蹈襲前人 古於詞 進平淮西碑文表云竊惟自古神 極乃通發紹述文從字順各識職有欲求之此 句又何其難也必出入仁義其當若生蓄萬物 必 **員放您從横無所統紀然而不煩於絕** 巴出降而不能乃剽賊後皆指前公 一律寥寥久哉莫覺屬神祖聖伏道絶 餘師録 聖之君既立 其躅 削 相 而 曰

充 今莫敢指斥嚮使撰次不得其人文字 屬人 雅 淌 德卓絕之跡必有奇能辯博之士為時而生持簡 從而寫之各有品章係貫然後帝王之美魏魏煌 五點於詩 觀之 天地其載於書則堯舜二典夏之禹貢商之盤 周王是歌辭事相稱善并美具號 解迹俱亡善惡惟 則元鳥長發歸美商宗清廟 然則茲事至大不 曖昧 為 臣工 雖 經 有美質 從 可

金红口

子弓子弓之事業其傳惟太史公著弟子傳有姓名字 盖子夏之學其後有田子方子方之後流而為莊周故 欠で、日をしてす 盖出曾子自孔子沒奉弟子莫不有書獨孟軻氏之傅 周之書喜稱子方之為人首卿之書語聖人必曰孔子 散分處諸侯之國又各以所能授弟子原遠而末益分 能編觀而盡識也故學馬而皆得其性之所近其後離 送王均序云吾常以為孔子之道大而能博門弟子不 口肝臂子弓子弓受易於商瞿孟軻師子思子思之學 餘師録

孟子之所道者與之言信悦孟子而屢賛其文辭夫公 得其宗故余少而樂觀馬太原王墳示予所為文好舉 金ケモだ と言 孟子始今填之所由既幾於知道如又得其船與概 觗 其所道道於楊墨老莊佛之學而欲之聖人之道猶 而下尚不止雖有疾遲必至於海如不得其道也雖 断港絕潢以望至於海也故求觀聖人之道者必自 不至終莫得而止馬按今昌黎集 而不止嗚呼其可量也哉 而至馬故學者必 矢口

賈劉向諸文字學作論議文字更取蘓明允文字讀之 黄魯直與洪駒父書云如甥才器筆力當求配於古 ここうここ 古文要氣質渾厚勿太彫琢 the. 以賢於流俗遂自足也然忠信孝友是此物之根本 云學詩工夫以多讀書貫穿自當造平沒可勤讀董 須加意涵養以敦厚醇粹使根深蒂固然後枝葉茂 黄魯直 徐 环 环

金公 無 方見古人用心處如此則不虚用功又欲進道須謝去 歟 外慕廼得全功古人云縱此欲者丧人善事置之一 事不辨 其指趣觀世故在吾術内古人所謂膽欲大而心欲 云讀書預精治 徐師川書云學有要道讀書頂一言一句自求已事 是压 此心欲小也文章乃其粉澤要須探其根本 以世之致譽愛憎動此膽欲大也非法不言 經知古人 参二 關旅子然後所見書傳 非

文字可臣人子 場耳 則 過盖古人於能事不獨求誇時軍要須於前軍中 未極高然譏評古人大中文病不可不知也 世故之風雨不能漂揺古之特立獨行者用此道 縣乃有古風老杜詠吴生盡云盡手看前草吴生遠 云思義理則欲精知古今則欲博學文則觀古人 云作賦要須以宋玉賈誼相如子美為師略依做 王立之書云劉總文心雕龍劉子元史通二書所論 餘師録 其 耳

答曹前龍書云讀書勿求多要須貫穿使義理融暢 曲 與趙伯充書云學 规 特展不塞吃也 云欲 模孔子曰觚不觚觚哉觚哉 唐諸 必得錦機乃成錦耳 **愚講學之然後下筆** 作楚詞追配古人直須熟讀楚詞觀古 詩所 作法於凉其敞猶貪作法於貪敞将 譬如巧女丈繡妙絶 刻鵠不成尚類鶩也學 用意 世 欲

大い四年人こう 答洪駒文書云九為文須熟讀司馬子長韓退之文每 若之何要須讀得通賞因人講之百許年來詩非無 好罵切勿襲其軌也 納 又云治經欲鉤其深觀史欲會其事二者皆須精熟涉 犬文雖雄奇然不作可也東坡文章妙天下其短處在 **處但不用學亦如書字須要以鍾王為法耳** 百川或匯而為廣澤汪洋千里要自發源注海耳罵 文皆須有宗有趣終始關鍵有開有闔如四瀆雖 餘師録 Ł

於作文深知古人之關鍵其論事救首救尾如常山之 知天下之絡脈有開有塞而至於九川滌源四海會同 答王雲書云陳履常正字天下士也讀書如禹之治水 古人云讀書十年不如 又云文章以理為主 者也其作詩淵源得老杜句法今之詩人不能當也至 時軍未見其比公有意於學不可不往掃斯人之 而已無此功也 詣習主簿端有此理

也 答 疎闊 答王周彦書云元祐初與泰少将張文潛論詩二公初 逑 謂 辭 ここう 捨舊而圖 氣 如足下之作深之以 王觀復書云新詩與寄萬遠但語生硬不許律日 合之以作者之規模不但使 不然久之東坡先生以為一代之詩當推魯直二公 不 跌宕不満人 逮 初造意時此病亦只是讀書未精博耳長袖 新 其初改較易轍如枯 耳少馬遂能使師 經術之義味宏之以史氏之 除币録 两川之豪士拱手也 曠忘味鍾期 **丝收軫雖成聲** 攺 或 00 而

立 敢 此難 詳南 縋 杜 舞 所陽 削 子 論 北し 引巧 多財 語 美 病 本未 而 之也 女口 常 亦 要 失此 此 自 到 善 當 是 論 合 变 共乃 成業 矣 丈 買不虚 沈 州 いく 本謂 半 文 章 徃 後 謝 理 古為 折心 詩 軰 之 年 為 何文心雕 甞 韓 難 語 主 焯者 為 始龍 也 云 問 儒 退 理 甞 言 何云 南 之 意 林 得 護不 方 刚 翻 陽 宗 坡 自 而 其能 意其 空 劉 先 辭 誤足 主 潮 翻搦 時 生 而 勰 き 空翰 州 順 易奇言徴 作 作案 丈 而氣 好 遻 好 章 東梁 文 朝 作 易倍 作 哥 竒 華之 後 莞書 自 竒 詞 文 然 語 語 苔劉 吉前 章 實 法 出 刨 故 人恕 徴暨 羣 後 東 是 あ 此本 不 實中 難 作傅

댜

四庫

庄

蘉

巷

1, 章 **蘓子瞻泰少将** 遍 又云所寄詩多佳 猶 到夔州後古律詩便得句法簡易而大 てこうっこう 髙 在 盖自建安以来好作奇語故其氣象萎萌其病至今 然後知後世作文章不及古人之病如觀 但 惟陳伯玉韓退之李習之近世歐陽永叔王介甫 熟讀禮記檀弓當得之既而取檀弓二篇讀數 水深似欲不可企及文章成就更無斧鑿痕乃 乃無此病 句循 恨雕琢功多耳 染卵绿 耳 巧出馬平 但熟觀杜子美 日月也 淡 文 如

金宁正居在書 岐蜀經 世 佳 而 盖 與 載之 何 作 水 江 一當 静 洞庭 カオ 猶出 可取 耳 翁書云所寄詩 梅汶 下 如 可 彭 是 明 能 汶郭 蟊 以足 於 也 汜 11] 同 觴 也東 見 已者而論古 一十載之 至於 下所 波 韻南 會運 併 醇 而 云蜀 ف 巷 大 與 得者而能 淡 岷郡 南 通史 也 而 川三百 語 作記 然 有 溟 汶夏 約 句 江 16 充其所 出 海 法 六本 而)1] 意深文章 書紀 汶 同味今足下 沂 論史 三十 故汶 山 未 别嶓岷按 事 至 絘 作既 山汶 生 後 峄藝 不 随

欽定四車全書 文章常先體制而後工批盖當觀蘇子瞻醉白堂記戲 以此考之優竹樓記而劣醉翁亭記是荆公之說不 日文群雖極工然不是醉白堂記乃是韓白優劣論耳 b 學識汶山有源之水也大川三百足下求之師小川三 又云或傳王剃公稱竹樓記勝歐陽公醉翁亭記或曰 千足下求之友方将觀足下之水波能編與諸生為德 非荆公之言也其以謂荆公出此言未失也荆公評 徐師録

又云龍圖孫學士覺喜論文謂退之淮西碑叙如書 如詩子瞻謂杜詩韓文頗書左史皆集大成也 司馬子長為長卿傅如其文惟其過之故無之也 又云歐陽公謂退之為樊宗師誌便似樊文其始出於 而成就之則在當塗之君子其言有關係可以為法戒 夫之師友淵源常出於一 又云自舍人作高安學記極道學之所由廢與論士大 世豪傑之士至於長育人才

次三四軍人二百 崇墉言言臨衝開開執記連連攸馘安安是類是碼是 凉彼武王肆伐大商會朝清明其形容征伐之事極於 此矣退之作元和聖德詩言劉闢之死曰婉婉弱子亦 致是附四方以無侮其於克商曰維師尚父時維鷹揚 無矢我陵我陵我阿無飲我泉我泉我池其於克崇曰 又云蘓子由云詩人歌咏文武征伐之事其於克密曰 闢駭汗如雨揮刀紛紅争切膾脯此李斯頌泰所不 個隻牽頭曳足先斷腰替次及其徒體 骸撑拄木乃 餘師録

范文正公作尹師魯集叙云予觀克典舜歌而下文 忍言而退之自謂無處於雅頌何其陋也 有文於天下者多矣泊楊大年以應用之才獨步當世 聖人之道者難之近則唐貞元元和之間韓退之主盟 作醇酶选變代無窮乎惟折末揚本去鄭復雅左右 仲塗起而麾之髦俊率從馬仲塗門人能師經探道 而古道最盛懿僖以降爱及五代其體薄弱皇朝 范文正公

参二

文 欽定四軍全書 陳長文步里客談云張思叔繹云王介甫虎圖詩只說 議大見風采士林方聳慕馬處得歐陽永叔從而大 洛陽尹師魯少有高識不逐時軍從穆伯長将力為古 藻飾破碎大雅 反謂古道不適於用廢而弗學者久之 之由是天下之文一變其深有功於道數 學者刻解鏤意有希髣婦未暇及古也其間甚者專 而師魯深於春秋故其文謹嚴解約而理精童奏疏 陳長文 · 餘 師 録 t

皆未當其誣退之多矣 作退之傳毛顏以文滑稽耳正如伶人作戲初出一 語滿場皆笑此語豈再出耶毛類傳賛賞不酬勞以老 李懷光二事似左氏文字通解非退之文之乎者也下 見踩秦真少恩哉甚似太史公筆勢董晉行状書廻紇 余當疑三器論非退之文章又疑下邳侯傅是後人 箇 於宗黃憲傳最住題初無事迹於宗直以語言無寫 似字老杜只 一句道盡臨軒忽覺無丹青 諢

東坡志林云晉無文章只歸去来一 谷序 晁錯劉向諸人文字作皮草爾 欠足り早くこう 迹以為定體乃欲擊風搏影也蘇公恐不 如此 固前書不可及者亦得太史公司馬相如賈誼董仲 叔度形容體段使後人見之此最妙處其他傳即馮 沒勝蓋得二人文字照映便覺此傳不同以此知 如風雲變減水波成文直因勢而然必欲執一時 為嘗欲做盤谷序一篇文字竟不能成文章態 餘師録 篇唐無文章只盤 +

細字答邊臣萬國風煙入長業燈火闡殘歌舞散乃村 陳無己詩云唇思殿裏春夜半燈火開残歌舞散自書 與飛為不然說者以是為歐韓文字之分盖篇論也 與鶴飛作秋鶴與飛歐陽永叔以步有新船為是而秋鶴 欲盡玉色起分明尚 带金井水鳥紗白紵真天人不用 更著山嚴裏真奇語也至言平生潦倒向邱壑禁省不 池廟碑古本以涉有新船為步有新船春與猿吟兮秋 夜深景致恐虧思殿不如是也李白盡像詩曰醉色 と言

詩正而絕下逮莊騷太史所録子 涯周語段盤語屈聱牙春秋謹嚴左氏浮誇易奇而法 柳子厚先友記通用孔子七十弟子傅體若貞符及雅 **設定四軍全書** 乃敢填不侔矣 以盤語詩人之文為祖矣 之進學解云沈浸釀郁衆職部令本韓 載含英咀華作為文章其書滿家上 將軍尊則與東坡所謂平生不識高將軍手院吾 餘師録 雲相如同工異曲 一規姚似渾渾無 中四 作 醲郁

日尚答制科策耶 蘇子由代兄作趙閱道神道碑云臣當建事仁宗皇帝 學魯頌此論近之 **未宮觀也萬世無不見未當為也萬世無不舉子膽笑** 或曰東坡作富鄭公神道碑銘學商頌温公神道碑銘 退之作文章法也記事者必提其要慕言者必釣其元 亦學文術也 ,作詩筆力可方太史公如郭元振故宅等詩便是

古人 欠日ヨらことう 失無了時注目寒山倚江閣是也黃魯直作水仙花詩 患者 賈誼鵬賦文章源流自檀弓来無有脱文誤字 與之作傅如桃竹杖引 韓雖法度森嚴便無盧全豪放之氣 退之做玉川子月蝕詩乃州盧全冗語耳非做玉川 下字有倒用語格力勝者如吉日兮辰良必我也為漢 作斷句報旁入他意最為警策如老杜云點蟲得 个币环 種文章則又未易爲婦 上丘 解

矣 孟 無已云李杜齊名吾豈敢晚風無樹不鳴蝉則直不類 劉器之謂馬永卿云吾友後生未可遽立議論以褒貶 齊景公與晏子適魯問禮時孔子方年三十其後孔子 俸子且死戒其嗣懿子師孔子時孔子年尚少也 今盖見聞未廣沙世溪故也且如孔子萬世師也方 用此體云坐對真成被花惱出門一 劉器之 1. 4. TILL 笑大江横至

ということは 觀其格韻高嚴規模簡古駸駁乎商周之頌噫異哉此 萬世法譬如積水千仭之源一日决之滔滔汨汨直至 年五十餘方歷聘諸國十有四年而歸魯時孔子年六 至者其源淺也古人者書多在暮年盖為此也 生著述盖是時學問成矣涉世深矣故其述作始可為 又云西漢樂章可齊三代舊見禮樂志房中樂十七章 于海其源深矣若夫潢潦之水乍盈乍涸終不能有所 八歲乃始刑詩書繁周易作春秋只數年間了却 餘師録 六六

必欲簡則解澀令人不喜假令新唐書載卓文君事不過 作史之與也且文章豈有繁簡必欲多則文冗而不足讀 椎 曰少嘗竊卓氏如此而已而班 固載此事乃近五百字 云新唐書叙事好簡略其詞簡故其事多欝而不明此 其源乃唐山夫 姓也而漢乃有此人 至謂竹竿載馳方之陋矣論似府中誠爲萬古然與三百篇豈 時佐命功臣下至叔孫通軍皆不能為此歌尋 人所作服度曰高帝姬也韋昭曰唐 縱使竹竿載馳方之陋矣故 過可當同 可 Ð 歌唐

と、ことりたことはう 適見有奔馬踐犬以死二人各記其事以較工拙穆修 沈括云穆修張景常同造朝待旦于東華門方論文次 讀之不覺其繁也且文君之事亦何補於天下後世哉 表云具事則增於前其文則省於舊且新唐書所以 然也若不出於自然而有意於繁簡則失之矣唐書進 然作史之法不得不如是故謂文如風行水上出於自 如兩漢文章者其病正在此兩句也而反以爲工何哉 沈括 餘甲録 ナと

ì

置而不講何溪終哉夫是書也窮天地之 書謂之三墳言大道也即今素問與靈樞經十八篇是 張芸叟當語諸子曰孔安國序書謂伏義神農黃帝 曰馬逸有黄犬遇蹄而以斃景曰有犬死奔馬之下時 ,體新變二人之語皆拙澀當時自謂之工傅之至今 本文芸叟謂即是按素問靈樞其書 張芸叟 根松識鬼神之情狀近可以養一 三墳木免脆說 學者以為醫書雖古亦非黃帝之學者以為醫書 原總五行 身速可

銀タロ

IL K. Tapole

終散士也 游為丈法歐陽水叔氣格範模似是深切好事者有所 關中前軍有段延齡者始見於皇祐嘉祐間與姚嗣宗 深决而放之不可窮其遠若春夏之敷華秋冬之閉 好高而不登山好水而不臨海好樂而不聞英莖韶濩 以治天下小可以祛疾病大可以致神仙大易相為表 7.8.10 mm /2.3 不能辨其言汪洋浩傳從容溫亮飲而蓄之不可測其 裏自非聖人孰能與於此哉夫為學而不知墳典是猶 余師 录

時亦有頓挫拂欝裂此衝冠不平之氣大抵擴取唐 諸儒若董仲舒賈誼皆一時之冠仲舒專經析賈誼諳 金げでんと言 至十數萬言歎世之人莫我知藏之櫝中埋之地下號 矣唐末有劉蛻者勵志為文非齊戒祓除未嘗落筆多 今實行其事享其利若合符契然中間非無佼佼之 世務誼所陳之策當時大臣指以為疎澗歷十七百年 之菁華集而爲已用余皆患學者空言而屈行事漢之 敏致今 改正說說之口與駕虚說而感世者良有間

鑿終南山之石錮以北山之鐵以待後人之知者哉 Stadon Library 正醒醉沐浴於山水間與种太質華為詩酒友真所謂 劉都官其先會稽人詩僅百篇古律相參明著者較然 世謂樂天之文問和夷暢任其自然當其立意命辭 無味至於華藻組繡豪肆放為衆體具備而卒歸於雅 可見含思者求之愈深悽切則不可復觀平淡則幾於 曰文塚今段君之文幸不在土中又不傳於世人胡 五陵之豪客也 餘師録 1

得之容易予今再見樂天豪草雖四句詩必加塗抹有 斧耶不然魁紀公應是一揮而成文不加點也 至十數字者何也豈其良玉必加雕琢大匠不敢廢斤 測涯沒見者皆晃耀耳目天下學者争相於尚謂之古 唐五代氣格直造退之子厚之間與故能渾瀕包含莫 本朝自明道景祐間始以文學相高故子瞻師魯兄弟 歐陽永叔梅聖俞為文皆宗主六經發為文采脫去晚 文皆以不識其人不習其文為深耻乃不知君子之言

飲定四車全書 軻尚友所恨者殊時楚子用質質取於他國儻使九 安得比有接於踵門而過我哉其為觀也感矣嗚呼孟 之中有如促膝坐談揖讓之不暇借使諸公旨無恙又 老之人猶能傳誦以教人其為澤也厚哉今筆蹟粲然 為之倡率楷模風流漸漬之所成故相距七八十年長 腑肺傾倒於師魯至矣予得以終日反復於衝茅環堵 本來如此也令執筆之士雖名家自負亦繫當時諸公 可作何居十世之猶存筆礼在前嘆息何己 **於師録**

思含蓄過於數千百言者至為石鼓歌極其致思凡累 退之詩惟號園二十一詠為最工語不過二十字而意 假 **鐵凍汝將學聖人事業志圖富貴而药簡服日天豈汝** 為少先鷄而起四體不貸其勞如此者終歲猶不能逃 等方學為人顧已優游虛過日月汝不見市井百工之 予之先人大夫君植性勤强孜孜好學接物之外手不 舍卷每見子弟情将必切責之且曰我老尚如此在汝 那

火色四季人一司 獨見以次天下事鮮有不謬者 治忽無所不總故學者居一室之內守簡策勝舊聞任 所不至晚年方敢論次前世之事著書成文地理古今 湘北涉汶四講紫齊魯之郊過梁楚西便巴蜀天下靡 司馬遷年二十南遊江淮上會稽探禹穴窺九疑浮沅 數百言皆不得鼓之彷佛豈其注意造作求以過人與 夫不假琢磨得之自然者遂有問邪由是觀之凡人為 文言約而事該文省而肯遠者爲嘉 餘師録 主

為初敵也愚常覽雜吏部歌詩數百首其驅駕氣勢若 當善於彼而不善於此即觀文人之爲詩詩人之爲文 清於磬而渾於鐘哉然則作者為文為詩格亦可見豈 始皆繋其所尚所尚既專則搜研愈至故能炫其工於 司空圖題柳柳州集云金之精魔效其聲皆可辨也豈 不朽亦猶力巨而鬬者所持之器各異而皆能潛勝以 雷扶電於天地之間物狀奇怪不得不鼓舞而何其 司空圖 次三万年三百 **訟告矣痛哉因題柳集丈木废俾後之詮評者無或偏** 寺與精按李白集無寺碑養三字 當是寺鐘銘之誤太 傷哉噫後之學者褊淺片詞隻句未能自辦已側目相 拔清厲乃其歌詩張曲江五言沉欝亦其文筆也豈相 淵客盖或未遑耳今於華下方得柳詩味其探搜之致 呼吸也其次皇甫祠部文集所作亦為道逸非無意於 亦深遠矣俾其窮而克壽玩精極思則固非瑣瑣者輕 可擬議其優劣又嘗觀杜子美祭太尉房公文李太白 6年節録

撰晉書於是奏取太子右废子許敬宗中書舍人來濟 着作郎陸亢仕劉子真前雅州刺史令孙德紫太子舍 記以盖全工 詠之士好采說謬碎事以廣異聞又所評論競為綺 减禁給晉書為主参考諸家甚為詳治然史家多是文 、李義府薛元超起居即上官儀等八人分功撰録以 殺再雜說云唐房元齡與中 孔殺甫 書侍郎褚遂良受詔重

事惟五十萬言班固叙二百年事乃八十萬言故謂固 宣武二帝及陸機王義之四論於是總題云御撰余以 於著述所修天文律歷五行三志最可觀采太宗自著 中の一日子、人子前 書載王隱諫祖納弈棋一段幾二百字两傳俱出此為 為史之失自陳毒始觀吳志諸葛恪傅載題驅謝馬事 不如遷自告史氏所書两人一事必曰語在某人傳晉 不求篤實由是頗為學者所譏惟李淳風深明星歷善 乃知晉史冗記有自來矣晉張輔云司馬遷叙三十年 餘師録

覺之為可笑也許邁當在隱逸傳而以級王義之之後 史公樂書文章而不知筆力短弱乃失事情使人讀而 超也與丙吉事正相類而史氏文不足以起之故奄奄 金少世五人三 言以為賢於丙吉又觀晉載記慕容超傅呼延平之活 如此可為長太息也晉書隱逸夏仲御傅史臣欲效太 文煩矣觀魏志管寧傳注胡昭脱晉帝於死而口終不 李泰伯

秋定四車全書 人 明守之以誠尚可為聖人之徒别曰前賢之間哉然謂 歐陽皆其繼者也而自謙讓以為春土壤築太山欲登 於前賢之間而問其何如足下年少初仕不汲汲於進 李泰伯答李觀書云来書謂孔子之後有孟荀楊王韓 取而轉從寂寞之道此非今人之心古人之心也曾子 **時雖號為孫丁是也原本作十字善屬文在頁籍中甚有聲與丁謂** 林國朝柳如京王黃州孫丁孫何傅十歲該音韻十五杯國朝柳如京王黃州孫丁按孫丁是孫何丁謂宋史 曰尊其所聞則禹明矣行其所知則光大矣茍取之以 · 餘 。 歸 赛名張晦之及今芝 子四

饗祖廟天下之物苟其可薦者莫不在馬佐平淮西解 脆之問隋書無本傳又不得紫其行事退之之文如大 厚得韓之奇於正則劣矣以黨王叔文不得為善士於 深州圍功德卓榮在聽聞者不可揜誠哉其命世也子 舊矣不可復輕重文中子之書已泯絕唯中説行然出 所為工拙不宜但徇其名也孟氏茍揚醇疵之說聞之 之賢者豈非所論列十數公乎足下欲以為法當考 人所記觀其意義往往有奇與處而陷在虚夸腐

火三日年 こう 新而死期至矣范公歐陽盖為賈祖劉向之事業窮甚 立身不可不謹若子厚晦之皆非九人被惡名雖欲自 到若洪範王霸篇籠絡天人錘鍛古今雖子厚好為論 奇諸所著文未足可嘉至於議論則識精才健無遠不 其人諤諤有風標彼孫丁之文舉人之雄者耳其立朝 尚未及也先朝文士唯此人耳惜其疎後得罪于世故 不聞有所建明而胎天下之禍為吾徒羞晦之之辭不 朝近者如京先倡古道以志氣聞黃州學而未之得然 餘币録

然矣 虞書之歷象日月星辰夏后之賦貢九州周人之職三 **岩凍餒然孰謂得志而不衣食哉用之大其言者愈大** 有不得志者乎奚其為雅頌哉心之志志之言言之文 聖賢有不得志者乎奚其為典談訓語哉成王周公時 志則在行事不在書也噫孔子誠不用矣堯舜禹湯時 作延平集序云世俗見孔子不用而作經乃言聖賢得 致遠未易量也足下以愚言為不妄則可法與否昭昭

科亦不抬一辭子思孟軻豈無德行乎是皆不才子無 無可復言非為有德行不著書也将夏之徒不在德行 文定四事全書 人 人之作或因於物或發乎情雖不有用幸愈乎博爽也 作陳公愛字序云夫子多能鄙事以博弈為賢乎已詞 卷尚曰賢者行而已不必文也彼顧閱氏時夫子在盖 而俗儒必非之五子之歌韻矣繋辭首章對矣使今世 功於文而雷同此說以自慰耳 百六十官不已大乎今之君子固多對儒至於布衣問 餘師録

豈唯在上者之過有由然也夫知道者無古無今無 徒亦可也欲以區區之有而齊天下之人法哉見人 醇矣有其本以慢其末古人或不免馬略其本而詳 末令人宜少哉雖然自治可也父兄之於子弟師之 秦始書漢釣黨使典章淪陷人士関厄到今恨之 将以聲律坐矣禮有本末用有先後本末副馬固 恤强禦為烈此令人之蔽也道之不 笑語衣冠裳履之間則斷夫賢不肖張目大言 行盖儒者自

欠こうらくこう 無霸無治無亂惟用與不用耳 餘師録

餘師録卷二		 	 	
老二	餘師録卷二			金グログへこ
	:			老二